

**Høyring av verneplan for skog**  
**Forslag til vern av Bjørgefjell naturreservat**  
**i Seljord kommune**



*Dødvedrik blandingskog i Raudgjuv*

*Foto: Sigve Reiso BioFokus*

**Statsforvaltaren i Vestfold og Telemark**

**Februar 2021**

## **Innhald**

side

<b>1. Bakgrunn.....</b>	<b>3</b>
<b>2. Om verneplanarbeidet og frivillig vern.....</b>	<b>3</b>
<b>3. Heimelsgrunnlag.....</b>	<b>3</b>
<b>4. Saksgang.....</b>	<b>4</b>
<b>5. Verneplanen sitt omfang.....</b>	<b>8</b>
<b>6. Faktaark.....</b>	<b>9</b>
<b>7. Framlegg til verneforskrift.....</b>	<b>13</b>

**Vedlegg: Vernekart**

## 1. Bakgrunn

Statsforvaltaren i Vestfold og Telemark sender med dette på høyring framlegg til vern av Bjørgefjell naturreservat i Seljord kommune.

Bakgrunnen for verneforslaget er tilbod frå ti grunneigarar om frivillig vern av skog, mottatt den 17.4.2020. Området er tidlegare kartlagt for naturverdiar som dokumenterer verdiar som kvalifiserer for vern etter naturmangfoldloven. Jf. kapittel 6. med nærare skildring av området.

Forhandlingar om erstatning og avtale om pris på området vil gjennomførast parallelt med høyringa.

## 2. Om verneplanarbeidet og frivillig vern

Meld. St. 14 (2015 – 2016) *Natur for livet* legg opp til ei vidareføring av det langsiktige arbeidet med skogvern, mellom anna auka frivillig skogvern. Under handsaminga av meldinga bad Stortinget regjeringa sette mål om vern av både offentleg eigd skog og frivillig vern av privateigd skog til 10 % av skogarealet i landet. Naturfaglege evalueringar som ligg til grunn for prioriteringane i skogvernarbeidet er «*Evaluering av skogvernet i Norge*», NINA rapport 54/2002 og «*Naturfaglig evaluering av norske verneområder*», NINA rapport 535/2010.

Ved frivillig skogvern gir grunneigarane Statsforvaltaren tilbod om vern av aktuelle område. Det blir gjort naturfaglege registreringar og utarbeidd skogtakster for dei områda der det trengst. På grunnlag av tilbod og dei naturfaglege registreringane utarbeider Statsforvaltaren forslag til avgrensing av verneområdet. På grunnlag av tilbod og mal for verneforskrift for naturreservat utarbeider Statsforvaltaren forslag til verneforskrift som blir sendt til grunneigarane for kommentarar. Miljødirektoratet utpeikar ein skogsakkyndig som får i mandat å forhandle med grunneigarane eller grunneigarane sin representant. Ved semje blir det utarbeidd avtale der erstatningssum, forslag til verneforskrift og avgrensing av verneområdet blir avklart.

Det vanlege er at når staten og grunneigar er einige om desse punkta vil området gjennomgå vanleg sakshandsaming i tråd med naturmangfoldloven. Etter avtale med grunneigar kan melding og høyring av verneforslag likevel gjennomførast før avtale er signert. Frå avtaletidspunkt og fram til vernevedtak gjeld ei vederlagsordning. Utbetaling av erstatningsbeløp skjer når vernevedtaket er fatta.

## 3. Heimelsgrunnlag

Vern av spesielle område eller førekomstar skjer i medhald av lov 16. juni 2009 om forvaltning av naturens mangfold (naturmangfoldloven) jf. §§ 33 – 51. I naturmangfoldloven er det gitt heimel for oppretting av ulike vernekategoriar. Vernekategorien naturreservat, som er det strengaste vernet etter naturmangfoldloven, jf. § 37, vil bli bruka for denne verneplanen for skog på privat grunn.

Vedtak om oppretting av naturreservat vert gjort av Kongen i statsråd etter § 37 i naturmangfoldloven, som lyder slik:

*” Som naturreservat kan vernes områder som*

- a) inneholder truet, sjelden eller sårbar natur,*
- b) representerer en bestemt type natur,*
- c) på annen måte har særlig betydning for biologisk mangfold,*
- d) utgjør en spesiell geologisk forekomst eller*
- e) har særskilt naturvitenskapelig verdi.*

*Som naturreservat kan også vernes et område som er egnet til ved fri utvikling eller aktive gjenopprettingstiltak å få verneverdier som nevnt i første ledd.*

*I et naturreservat må ingen foreta noe som forringer verneverdiene angitt i verneformålet. Et naturreservat kan totalfredes mot all virksomhet, tiltak og ferdsel. I forskriften kan det gis bestemmelser om vern av kulturminner i reservatet.*

*Treffes vedtak om reservat som krever aktive gjenopprettingstiltak, eller vedtak om reservat der bruk er en forutsetning for bevaring av det biologiske mangfold, skal det samtidig med vernevedtaket legges fram et utkast til plan for skjøtsel for å sikre verneformålet. Planen kan omfatte avtale om bruk av arealer, enkeltelementer og driftsformer. Planen eller avtalen kan inneholde bestemmelser om økonomisk kompensasjon til private som bidrar til områdets skjøtsel.”*

#### **4. Saksgang**

Formell start på verneplanarbeidet for Bjørgefjell (Raudjuv) vart meldt 11. juni 2020. Det kom følgjande merknader i meldingsfasen:

Riksantikvaren (e-post av 12.06.2020) syner til kulturminneforvaltninga i fylkeskommunen og handsamar difor ikkje saka.

Språkrådet (brev av 29.06.2020) uttalar følgjande:

*«Det går ikkje fram av saksdokumenta om begge desse namna skal nyttast på verneområdet, eller berre eitt av dei. Vi ber Fylkesmannen om at det i den lokale og sentrale høyringa kjem tydeleg fram kva som skal vere namn på naturreservatet. For det første namnet tilrår vi skrivemåten **Raudjuv** i samsvar med tilrådd skrivemåte i SSR og norsk rettskriving. Det andre namnet er registrert i SSR med både Bjørgefjell og Bjørgefjellet som tilrådde skrivemåtar, men heradsregisteret har uttale i ubunden form, så vi har ingen merknader til den foreslåtte skrivemåten Bjørgefjell.»*

Bane NOR (brev av 09.07.2020) uttalar at planområdet ikkje rører ved jernbanen sine interesser, og dei har difor ingen merknader til planarbeidet.

Landbruksdirektoratet (brev av 17.07.2020) uttalar følgjande:

*«Som instans for høyringa av forslag til oppretting av nye naturreservat, ønsker vi å gi nokre generelle innspel til verneprosessen.*

#### **Grundig beskriving av området**

*Av høyringsdokumenta må det komme tydeleg fram om og i tilfelle korleis det aktuelle området blir nytta til landbruksformål. Dersom det er landbruksinteresser i området som ikkje blir tatt omsyn til i utkast til forskrift, ber vi om at det blir grunngjeve i høyringsdokumenta. Typiske landbruksinteresser kan vere (lista er ikkje uttømmende):*

- o Skogsbilveg som er naudsynt for skogbruk på tilgrensande areal*
- o Traktorveg i samband med jordbruk*
- o Støl/seterområde*
- o Beite*
- o Reindrift*

#### **Utforming av forskrift**

*Dersom det går vegar/ferdselsårer gjennom verneområdet, må Fylkesmannen vurdere om det kan bli gitt føresegn om merking, rydding og vedlikehald av desse. Det bør bli lagt til*

rette for drift og vedlikehold av eventuelle støl-/seterområde og bli opna for andre tekniske tiltak som bidreg til ein landbruksmessig utnytting av området. Dersom slike tiltak ikkje er ønskeleg innanfor verneområdet, må det bli gitt ei fagleg grunngjeving for dette i høyringsdokumenta.

Beite vil vere aktuelt i mange område som blir foreslått verna som naturreservat. Det bør difor bli vurdert om forskrifta kan opne for dette. Viss ikkje, må det bli gjort greie for kvifor i høyringsdokumenta. Dersom det blir opna for beiting i området bør det også bli utarbeida føresegn for utsetting av saltsteinar og oppføring/vedlikehold av gjerde og sankekveer.

For alle tiltaka over må det bli vurdert om det kan bli gitt føresegn om motorferdsel i samband med tiltaka. Det bør bli gitt generelt unntak frå føresegna om ferdsl i samband med uttransportering av sjuke og skadde bufe.

Vi går ut frå at Fylkesmannen sin landbruks- og reindrifsfaglige kompetanse blir involvert i utforming av forskrift og verneplan. Det vil også vere nyttig å involvere den lokale landbruksforvaltninga i arbeidet.»

NVE (brev av 22.07.2020) uttalar at « I områdene Miland, Dalåsen, Myklestul, Lynglifjellet og Raudjuv er det konflikt med kraftlinjer. Elles er det ikke noen kjente konflikter i forhold til våre andre interesseområder. Raudjuv (Bjørgefjell): 22 kV kraftlinje tilhørende Vest- Telemark kraftlag AS grenser til/går gjennom området.

I områdene med konflikt med kraftlinjer forutsetter vi at standard bestemmelser om kraftlinjer blir tatt med i forskriften. I de tilfeller der et foreslått verneområde grenser til ryddegaten for kraftlinjen bør det vurderes å ta inn følgende bestemmelse: «Drift og vedlikehold, samt nødvendig istandsetting ved akutt uftall, på eksisterende energi- og kraftanlegg i og inntil verneområdet». Dette for å ta høyde for at noe av vedlikeholdet med kraftlinjene vil kunne skje inne i verneområdet, for eksempel linjerydding.

NVE har generelt ikke kjennskap til nettselskapenes planer for distribusjonsnett, og vi forutsetter at områdekonsesjonærene kommenterer eventuelle konflikter med egne anlegg og planer. Etter det vi kan se er ikke områdekonsesjonærene Vest-Telemark kraftlag AS og Midt-Telemark Energi AS med på høyringslisten, og vi ber om at de får anledning til å uttale seg.»

NJFF Telemark (brev av 22.07.2020) uttalar følgjande:

«Så lenge de fremtidige verneforskriftene for områdene ivaretar NJFF Telemark sine interesser, på linje med tidligere verneforskrifter, har vi ingen innvendinger mot oppstart av verneprosessene.»

Direktoratet for mineralforvaltning (brev av 22.07.2020) uttalar følgjande:

«Det varsla verneområde Raudjuv rører ved den austlege delen av den registrerte sand- og grusførekomsten Raudjuv, som av Noregs geologiske undersøking er vurdert å vere av lokal betyding<sup>5</sup>

I følgje NGU er førekomsten ei breelvvifte som består av grovkornige massar av kvartsitt/kvartsittskifer. Det har ifølgje kart og informasjon frå NGU vore masseuttak frå førekomsten, og NGU har vurdert førekomsten å vere viktig i forsyninga av knuste massar for ulike byggjeformål.

Det er i DMF sine databaser ikkje registrert aktive uttak innanfor denne førekomsten per i dag. DMF vurderer at verneområdet vil bandlegge ein avgrensa del av førekomsten, og at det fortsatt vil vere mogleg å ta ut massar frå attståande del av førekomsten. Ut frå det som per no er kjend informasjon, har ikkje DMF grunnlag for å kome med merknadar eller gå imot verneforslaget.

..  
<sup>5</sup> Noregs geologiske undersøking (NGU):  
[http://aps.ngu.no/pls/oradb/grus\\_GP\\_Del\\_fakta.fkom\\_besk?p\\_objid=60920](http://aps.ngu.no/pls/oradb/grus_GP_Del_fakta.fkom_besk?p_objid=60920)

## STATSFORVALTAREN SINE KOMMENTARER TIL INNKOMNE MERKNADER

Når det gjeld innspelet frå Språkrådet så foreslår vi namnet *Bjørgefjell* på reservatet.

Når det gjeld innspelet frå Landbruksdirektoratet, så vil vi kommentere at dersom området som er planlagt verna har støl/seterområder og det skulle vera aktuelt med beitedyr, er det tatt høgde for det i verneforskrifta, jf. § 4b og g, § 6a, 7f, h og i.

Når det gjeld innspelet frå NVE så har vi teke inn Vest-Telemark kraftlag AS og Midt-Telemark Energi AS på høyringslista. Standard føresegn for kraflliner er teke inn i forslaget til forskrift for området i tillegg innspelet om « i og inntil verneområdet».

Når det gjeld innspelet frå DMF så tar vi innspelet til etterretning og avventar ev. andre innspel om saka.

### Vidare sakshandsaming

Verneforslaget med skildring av området, vernekart og forslag til verneforskrift blir sendt på ei felles sentral og lokal høyring med frist 14.4.2021.

Føremålet med høyringa er å få fram opplysningar om interesser som kan bli råka av det planlagde vernet.

Etter høyringa vil Statsforvaltaren summere opp innkomne fråsegner, kommentere desse og utarbeide ei tilråding om vern til Miljødirektoratet. Direktoratet vil etter dette lage innstilling til Klima- og miljødepartementet og vedtak om vern blir gjort ved kgl. res. av Kongen i statsråd.

## 5. Verneplanen sitt omfang

Namn	Kommune	Tal på grunneigarar	Totalareal, daa	Verneverdi
Bjørgefjell naturreservat	Seljord	10	ca. 4870	(**) Regional

## 6. Faktaark

LOKALITET:	<b>Bjørgefjell</b>
KOMMUNE:	<b>Seljord</b>
FYLKE:	<b>Vestfold og Telemark</b>
VERNEKATEGORI:	<b>Naturreservat</b>
AREAL:	<b>4870daa</b>
HØGDE OVER HAVET:	<b>157- 895 m.o.h.</b>
EIGEDOMAR:	<b>Gnr./bnr.: 2/1, 2/3, 2/4, 3/3, 3/5, 3/6, 3/8, 54/2, 54/3, 54/4 og 54/5</b>

### SKILDRING AV OMRÅDET

Området ligg i dei sørvendte lisdene langs nordenden av Seljordsvatnet, ca. 3,5 km aust for Seljord sentrum og i boreonemoral vegetasjonssone.

Det er innafør området tidligare gjennomført ei naturfaglig registrering med rapport (BioFokus 2008), av bekkekløfta *Raudjuv*. Bekkekløfta med omkringliggende skog (689 dekar) er vurdert som regionalt til nasjonalt verneverdig (4 poeng). Raudjuv utgjer ein topografisk dramatisk og sørvestvendt bekkekløft med klare kvalitetar knytta til velutvikla rik lauvskog, rik rasmark og gamal furuskog.

Området i sin heilhet er dominert av eldre, samanhengande skog (hkl. 5), med små areal av yngre skog som ligg mot nordlig vernegrense. Det er registrert 7 naturtypar (jf. Naturbase) utanfor den kartlagte bekkekløfta, derav gamal barskog, rik blandingsskog i låglandet, rik edellauvskog, store gamle trær og slåttemark. Det er også registrert nøkkelbiotopar (Miljøregistrering i skog) med livsmiljøa rik bakkevegetasjon, eldre lauvsuksesjon, gamle trær, samt holer lauvtrær.

Det er ikkje gjennomført supplerande undersøkingar i området utanfor bekkekløfta i samband med tilbud om frivillig vern, da eksisterande miljøundersøkingar vurderast tilstrekkeleg. Det er av den grunn mindre informasjon om vegetasjon, skogstruktur og påverknad i området.

### VERNEINTERESSER

I dette avsnittet er mellom anna såkalla «raudlista» artar omtala. Det er artar som er sjeldne og som er gitt ulik status etter kor stor fare det er for utrydding. Status er henta frå Raudlista 2015 frå Artsdatabanken. EN= sterkt truga, VU = sårbar, NT = nær truga, der «sårbar» er meir sjeldan enn «nær truga». LC= livskraftig.

Raudlisteartar utanfor bekkekløfta: Rosa tusselav *Schismatomma* (VU), edellundlav *Bacidia laurocerasi* (VU), stuvkraterlav *Gyalecta derivata* (EN), rosenkjuke *Fomitopsis rosea* (NT), ask *Fraxinus excelsior* (VU) og furuskjell *Cladonia parasitica* (NT). Hvitkjuke *Antrodia albida* (LC), ospehvitkjuke *A. pulvinascens* (NT), begerfingersopp *Artomyces pyxidatus* (LC), revekjuke *Inonotus rheades* (LC), rosenkjuke *Fomitopsis rosea* (NT), granrustkjuke *Phellinus ferrugineofuscus* (LC), praktbarksopp *Veluticeps abietina* (LC), beikdoggnål *Sclerophora pallida* (NT).

Raudlisteartar innafør bekkekløfta: I regional målestokk skiller kløfta seg ut som ein rik karplantelokalitet, med ei rekkje varmekjære og regionalt uvanlege artar. Artar som alm (NT), barlind (VU), blankstorkenebb (NT) og stavklokke (NT) er registrert i kløfta. Det er vidare registrert fleire truga vegetasjonstypar som kalkskog (VU), bergknaus (VU) og høgstaudegranskog (NT).

Statsforvaltaren kjenner til hekking av vandrefalk innafor det føreslegne vernearealet. Vandrefalk er ikkje på raudlista, men er ein forvaltingsmessig interessant art som ein meiner har ein stabil bestand i fylket.

Området oppnår høg mangeloppfylling på den generelle og regionale mangelen *bekkekløft*, vidare inngår de generelle manglene låglandsskog, rike skogtypar og høge bonitetar. Ca. 89% av arealet er produktiv skog, derav ca. 34% på høg eller middels høg bonitet.

Av viktige skogtypar finnes edellauvskog, rik lågurtskog, kalkskog og høgstaudeskog.

## FØREMÅL

Føremålet med naturreservatet er å ta vare på eit område som har særleg verdi for biologisk mangfald på grunn av forekomst av ei større bekkekløft, rik edellauvskog, rik blandingsskog i låglandet og eit stort område med samanhengande gamal barskog.

Området har særskilt naturvitskapeleg verdi på grunn av forekomst av bekkekløft, sjeldne og truga artar og naturtypar.

Det er ei målsetjing å behalde verneverdiane i mest mogleg urørd tilstand, og eventuelt vidareutvikle dei.

## ANDRE INTERESSER

Ingen kjende.

## TEKNISKE INNGREP

Kraftline langs og innafor området langs grensa mot Seljordsvatnet.

## PLANSTATUS

Arealet er sett av til LNF område i kommuneplanen sin arealdel.

## MERKNADER

Ingen merknader.

## SKOGBRUKSOPPLYSNINGAR

I tabellen under er det vist skogdata for området.

Namn	Total-areal	Produktivt areal i daa				Anna areal i daa			
	daa	H	M	L	Sum	Myr	Vei	Vatn	Imp.
Bjørgefjell	4885	180	1463	2683	4331	43	7	1	502

(Data er levert av AT Skog, i UTM sone 33)

## LITTERATUR

Reiso S 2008. *Naturverdier for lokalitet Raudgjuv, registrert i forbindelse med prosjekt Bekkekløfter 2008. NARIN faktaark. BioFokus.*

Naturbase ([www.naturbase.no](http://www.naturbase.no)).



## 7. Framlegg til verneforskrifter

### Kommentarar til forskriftene

Bruk av naturreservatet til større arrangement er forbode.

Definisjon på større arrangement er omlag 30 deltakarar. Er det fleire deltakarar må det søkjast om løyve, og då kan forvaltningsstyresmakta vurdere dette i høve til § 7 pkt. e.

Vedlikehald av bygningar, vegar og andre anlegg og innretningar i høve til tilstand på vernetidspunktet

Aktuelle bygningar, vegar og andre installasjonar som finst på vernetidspunktet blir vanlegvis teikna inn på vernekartet og desse kan vedlikehaldas i høve til tilstand på vernetidspunktet. Av kjente anlegg og innretningar innafor området er vegar, stigar og enkelte bygningar.

Motorferdsel

Motorferdsel er forbode etter § 5 pkt. a. Det er nokre generelle unntak i § 6 og det kan gjevast dispensasjon etter søknad etter reglane i § 7. I tillegg gjeld lov om motorferdsel i utmark, det vil seia at kommunen og grunneigar må gje løyve til motorferdsel på vanleg måte.

Bruk av sykkel, hest og kjerre og riding

I naturreservat er bruk av sykkel, hest og kjerre og riding vanlegvis berre tillate der det finst vegar eller stigar.

Merking, rydding og vedlikehald av eksisterande stigar, løyper og gamle ferdselsvegar.

Vegar og stiar kan haldast i hevd, ryddes, merkes og kan haldast opne for turgåing, sykling og hesteriding. Riding med vogn er ikkje tillat på sti. Enkel rydding av kvist og fjerning av greiner og nedfall i vegar og stiar som hindrar ferdselen, kan gjerast utan søknad til Statsforvaltaren. Vindfall som måtte bli liggande over veg og stig kan kappast og leggst til side. Normalt vil dette bli gjort av grunneigar eller Statens naturoppsyn.

Beiting og gjerding

Beiting er tillate etter forskrifta. Framtidig behov for oppsetting av gjerde innafor området må det søkast om. Det er ikkje kjent om det beitar husdyr innafor området i dag.

Brenning av bål.

Det er vanleg at det er opna for brenning av bål i store reservat. Ein må då nytte tørrkvist eller ved ein har med seg, ein kan ikkje felle trær eller hogge opp daude tre.

*Vernekart*

Eksisterande vegar, stiar og kjente bygningar er markert i forslaget til vernekart. Eventuelle manglande anlegg og innretningar i vernekartet kan leggjast inn i samråd med grunneigar, før tilråding til Miljødirektoratet.

## Vedlegg 1

### Forslag til forskrift om vern av Bjørgefjell naturreservat i Seljord kommune i Vestfold og Telemark fylke

Fastsett ved kongeleg resolusjon .... med heimel i lov 19. juni 2009 nr. 100 om forvaltning av naturens mangfold (naturmangfoldloven) § 34 jf. § 37 og § 62. Fremma av Klima- og miljødepartementet.

#### § 1. (føremål)

Føremålet med naturreservatet er å ta vare på eit område som har særleg betyding for biologisk mangfald på grunn av førekomst av ei større bekkekløft, rik edellauvskog, rik blandingskog i låglandet og eit stort område med samanhengande gamal barskog.

Området har særskilt naturvitskapeleg verdi på grunn av førekomst av bekkekløft, sjeldne og truga artar og naturtypar.

Det er ei målsetjing å behalde verneverdiane i mest mogleg urørd tilstand, og eventuelt vidareutvikle dei.

#### § 2. (geografisk avgrensing)

Naturreservatet omfattar følgjande gnr./bnr.: 2/1, 2/3, 2/4, 3/3, 3/5, 3/6, 3/8, 54/2, 54/3, 54/4, 54/5 i Seljord kommune.

Naturreservatet dekker eit totalareal på 4870 dekar. Grensene for naturreservatet går fram av kart datert Klima- og miljødepartementet ..... Dei nøyaktige grensene for naturreservatet skal merkast av i marka. Knekkpunkta skal koordinatfestast.

Verneforskrifta med kart blir oppbevart i Seljord kommune, hos Statsforvaltaren i Vestfold og Telemark, i Miljødirektoratet og i Klima- og miljødepartementet.

#### § 3. (vernereglar)

I naturreservatet må ingen gjere noko som skadar verneverdiane som går fram av føremålet med vernet.

I naturreservatet gjeld følgjande vernereglar:

- a. Vegetasjonen, medrekna daude buskar og tre, er verna mot skade og øydelegging. Det er forbode å fjerne planter og sopp medrekna lav eller delar av desse frå naturreservatet. Planting eller såing av tre og annan vegetasjon er forbode.
- b. Dyrelivet, medrekna reirplassar og hiområde, er verna mot skade, øydelegging og unødig forstyrring. Utsetting av dyr er forbode.
- c. Det må ikkje setjast i verk tiltak som kan endre naturmiljøet, som til dømes oppføring av bygningar, anlegg, gjerde og andre varige eller mellombelse innretningar, parkering av campingvogner, brakker e.l., opplag av båtar, framføring av luftleidningar, jordkablar, kloakkleidningar, bygging av vegar, drenering eller anna form for tørrlegging, uttak, oppfylling eller lagring av masse, utføring av kloakk eller anna form for forureining, etterlating av avfall, gjødsling, kalking eller bruk av kjemiske utryddingsmiddel. Forsøpling er forbode. Oppstillinga av tiltak er ikkje uttømande.
- d. Bruk av naturreservatet til større arrangement er forbode.

#### § 4. (generelle unntak frå vernereglane)

Vernereglane i § 3 andre ledd er ikkje til hinder for:

- a. Sanking av bær og matsopp.

- b. Beiting.
- c. Jakt og fangst i samsvar med gjeldande lovverk.
- d. Oppsetting av mellombelse mobile jakttårn for storviltjakt.
- e. Felling av store rovdyr i samsvar med gjeldande lovverk.
- f. Forsiktig rydding av små buskar og kvist på postar i samband med jakt på storvilt.
- g. Utsetjing av saltstein.
- h. Brenning av bål med tørrkvist frå bakken eller ved ein har tatt med, i samsvar med gjeldande lovverk.
- i. Vedlikehald av eksisterande stigar, vegar, bygningar, og andre anlegg og innretningar, i samsvar med tilstanden på vernetidspunktet.
- j. Drift og vedlikehald, samt nødvendig istandsetting ved akutt utfall på eksisterande energi- og kraftanlegg i og inntil verneområdet.
- k. Oppgradering eller fornying av kraftleidningar for heving av spenningsnivå og auke av linetversnittet, når tiltaket ikkje skadar verneverdiane angitt i verneføremålet nemneverdig.

#### **§ 5. (regulering av ferdsel)**

All ferdsel skal skje varsamt og ta omsyn til vegetasjon, dyreliv og kulturminne.

I naturreservatet gjeld følgjande reglar om ferdsel:

- a. Motorisert ferdsel på land og i vatn er forbode, medrekna landing og start med luftfartøy.
- b. Sykling og riding og bruk av hest er forbode, utanom eksisterande vegar og stiar.

#### **§ 6. (generelle unntak frå reglane om ferdsel)**

Ferdselsreglane i § 5 er ikkje til hinder for gjennomføring av militær operativ verksemd og tiltak i samband med ambulanse-, politi-, brannvern-, rednings- og oppsynsverksemd, og gjennomføring av skjøtsels- og forvaltningsoppgåver som er fastsett av forvaltningsstyresmakta. Unntaket gjeld ikkje for øvingsverksemd.

Ferdselsreglane i § 5 andre ledd er ikkje til hinder for:

- a. Naudsynt motorferdsel i samband med uttransport av sjuke og skadde bufe. Køyretøy som nyttast skal vere skånsame mot markoverflata. Det skal gjevast melding til ansvarleg oppsyn for verneområdet i forkant av køyring.
- b. Naudsynt uttransport av felt elg og hjort med lett beltekøyretøy som ikkje set varige spor i terrenget.
- c. Naudsynt motorferdsel i forbindelse med akutt utfall eller fare for akutt utfall på eksisterande energi- og kraftanlegg. Ved bruk av motorisert transport skal det i etterkant sendast melding til forvaltningsstyresmakta.
- d. Landing og start med Forsvaret sine luftfartøy.

#### **§ 7. (spesifiserte dispensasjonsreglar)**

Forvaltningsstyresmakta kan etter søknad gje dispensasjon til:

- a. Tiltak i samband med forvaltning av vilt.
- b. Merking av eksisterande stigar og vegar.
- c. Hogst av etablerte plantefelt.
- d. Istandsetting, vedlikehald og skjøtsel av kulturminne.
- e. Avgrensa bruk av naturreservatet for aktivitetar som nemnt i § 3 d.
- f. Oppgradering og fornying av kraftleidningar som ikkje fell under § 4.
- g. Naudsynt motorferdsel i forbindelse med drift og vedlikehald, samt oppgradering og fornying av eksisterande kraftline.
- h. Oppsetting og vedlikehald av gjerder.
- i. Øvingskøyring for formål nemnt i § 6 første ledd.

- j. Uttransport av felt elg og hjort med anna køyretøy enn lett beltekøyretøy som nemnt i § 6 andre ledd b.
- k. Uttak av ved og naudsynt vegetasjonsrydding rundt hytter avmerka i vernekartet.
- l. Naudsynt kvisting eller hogst av trær eller anna vegetasjon som skuggar for innmark, som hindrar maskinbruk for drift av landbruksareal.
- m. Gjenoppføring av byningar merka på vernekartet etter brann eller naturskade.
- n. Naudsynt motorferdsel for transport av ved, materialer og utstyr til hytter avmerka i vernekartet.
- o. Naudsynt motorferdsel i samband med aktivitetar etter § 4 g, i, j og § 7 a, c, d, h og m.

#### **§ 8. (generelle dispensasjonsreglar)**

Forvaltingsstyresmakta kan gjere unntak frå forskrifta dersom det ikkje strid mot formålet med vernet og ikkje kan påverke verneverdiane nemneverdig, eller dersom omsyn til tryggleik eller til vesentlege samfunnsinteresser gjer det naudsynt, jf. naturmangfoldloven § 48.

#### **§ 9. (skjøtsel)**

Forvaltingsstyresmakta, eller den forvaltingsstyresmakta bestemmer, kan setje i verk tiltak for å oppretthalde eller oppnå den natur- eller kulturtilstanden som er formålet med vernet, jf. naturmangfoldloven § 47.

#### **§ 10. (forvaltingsplan)**

Det kan utarbeidast forvaltingsplan med nærare retningsliner for forvaltning av naturreservatet. Forvaltingsplanen kan innehalde nærare retningsliner for gjennomføring av skjøtsel.

#### **§ 11. (forvaltingsstyresmakt)**

Miljødirektoratet fastset kven som skal vere forvaltingsstyresmakt etter denne forskrifta.

#### **§ 12. (iverksetjing)**

Denne forskrifta trer i kraft straks.

**Vernekart fylgjer som eige vedlegg.**

